



Synfocity = 541

mail us at : mzsynfo@gmail.com; mizoramsynod@gmail.com - Phone - 2314648

18th June, 2015

- **Barak Area Mission Presbytery(Meitei) hawna**
Barak Area Church & Mission hnuai J.P.M (Meitei) chu Mission Presbytery atan June 19, 2015(zirtawp) zing dar 10:30-ah Presbyterian Church, Silchar-ah Rev. Lalrinmawia, Moderator, Mizoram Presbyterian Church Synod-in a hawng ang. Chawhnu lamah Special Presbytery Session neih a ni ang.
- **SMTC-in Computer zirzo thlah**
Synod Multipurpose Training Centre (SMTC) chuan nimin (June 17, 2015) chawhnu dar 1:00 khan Certificate in Computer Application (CCA) Course batch 15-na zir chhuakte thlahna inkhawm an hmang a, Rev. Lalramliana Pachuau, Executive Secretary i/c. SMTC in a hmanpui.
CCA zirzote thlahna inkhawm hi Upa Vanlalhuma, SMTC Office Assistant-in a kaihuai a, Rev. Lalramliana Pachuau, Executive Secretary-in zir chhuakte hnenah Certificates leh lawmman semin thu a sawi a. Zir chhuakte (trainees) aiawhin Tv. Lalhnehzova'n thu a sawi a, zirlaite atangin fakna hla ngaihthlak a ni bawk.
Synod Multipurpose Training Centre-a Computer (CCA) zirna hi Synod Executive Committee remtih angin October 15, 2007 atanga kalpui tan a ni a. Zir hun chung hi thla 6 a ni. Zirna atan hian Registration Fee Rs. 100/- leh monthly fee Rs. 50/- lak a ni a. Tluang taka zir chhuakte (80% kal chin) hnenah incentive cash prize Rs. 1,200/- pek thin a ni bawk. Tun tuma SMTC Computer course batch 15-na zirchhuakte hi mi 23 an ni a, Computer Course zirna hawn a nih atanga tuna zirchhuakte nen hian mi 327 laiin tha takin an zir chhuak tawh a ni.
- **Zin**
June 15-18, 2015 hian Synod Press Khawl enthlithlai turin Chennai-ah Upa R Lalmalsawma, General Manager, PRESCOM Dept. leh Pu Lalhruiatluang Ralte, Manager, Synod Press te an kal.
- **Synod Mission Board**

 - ♦ June 12, 2015 khan Presbyterian Church in Nepal Presbytery pakhat zawk West Presbytery thar chu Kathmandu Bial Lalitpur Kohhranah Mizoram Synod Executive Secretary i/c Mission Rev.P.C Pachhunga'n a hawng a, chawhnu lamah Special Presbytery rorel inkhawm neih niin, Rev. Lalrintluanga Ngente hnenah Moderator nihna a hlana, rorel inkhawm tluang takin neih a ni. Ti hian Presbyterian Church in Nepal chu Church Court nei a ni ta nghal bawk. West Presbytery huam chungang Pastor Bial hrang hrang atangin thawktu an kal tha hle a, ringtu 150-200 vel an pung khawm thei. East Presbytery chu Dharan-ah June 15, 2015 khan Synod Secretary Rev. B. Sangthangan a hawng leh bawk.
 - ♦ Masihi Sangati Working Committee chuan hmun hrang hranga thawktu indaih lohna hriain Masihi Sangati hnuai thawktu turin mi 13 a la thar a. Heng thawktu tharte tan hian Orientation Training June 22-26, 2015-ah MSK Office, Bawngkawn-ah an nei ang.
- **Masihi Sangati**

 - ♦ June 9-14, 2015 chungin Aizawl Gospel Team Leader leh Member thenkhat Central Jail lamah rawngbawlin an feh chhuak a, Jail chungang ringlo awm te chanchintha hrilh in mi 5 laiin baptisma an chang.
 - ♦ June 11, 2015 zan dar 10:40 vel khan Evan. C. Lalhmunmawia, Tuikhuatlang chu Cancer natna avangin a boral a, tlaivarpui a nih hnuin a tuk (June 12, 2015) khan Bialtu Pastor Rev. H. Lalrinmawia'n a vui a, Masihi Sangati Kendra Director Rev. K. Lalthlanpuia'n a rawngbawlna chanchin tawi sawiin Evangelist khawpui chungang awm te leh remchang ang ang te'n ui takin an thlahliam a ni.
 - ♦ June 13-14, 2015 khan Tuivawl Area thar hawn leh Area Meet, Keifang Kohhran-ah neih a ni a, Area thar hi Rev. Lalchhuanmawia, Secy. SMB in hawngin Meet Speaker-ah hian Rev. K. Lalthlanpuia, Director, MSK leh Rev. Lalthatluanga, i/c Masihi Sangati, Tuivawl Area te an ni. Area Meet-ah hian Synod Mission Choir-te leh Area huam chungang leh pawn atangin Zaipawl mawi tak tak ngaihthlak a ni a. Mi 4 in baptisma an chang bawk. June 13-14, 2015 chungang vek hian Bethel Area Meet chu Chanmari West Kohhran-ah neih a ni a, Rev. Darkhuma chu Speaker niin, mi 15 laiin baptisma an chang.
- **Archivist**

 - ♦ Upa Bonny Lalrindika, Asst Coordinator, Synfo, Synod Office chu SEC 256 chuan Archivist turin a ruat a, June 16, 2015 khan a hna thar hi a zawm a ni.
- **MSSU**

 - ♦ Ni. Vanlalsawmi, Archivist, Synod Office chu SEC 256 chuan Coordinator-ah kaisantirin MSSU-a awm turin a ruat a, June 16, 2015 khan a hna thar hi a zawm a ni.
 - ♦ June 19-22, 2015 khian Lunglei Venglai Bial leh Bungtlang Bial-ah te Sunday School Zirtirtu Training neih a ni dawn a, hemi neihpui tur hian Lunglei Venglai Bial-ah Pu Lalthahluna Ralte, MSSU Asst. Coordinator leh Upa Zohmangaiha, Zemabawk Vengthar te an kal ang a, leh Bungtlang Bial-ah Upa K Zoremsanga, Kulikawn leh Pu Ramthansanga Khiangte, Republic te an kal ang. Zan Pathian biak inkhawmah fanau enkawl chungchang thuchah Bial chungang Kohhran tinah an sawi bawk ang.
 - ♦ June 20, 2015 khian Ramhlun Sports Complex Kohhran-ah Sunday School Zirtirtu Training neih tur a ni a, hemi neihpui tur hian Pu John Lalhruiatluanga, MSSU Asst. Coordinator, Upa B. Lalhmunliana, Bethlehem Venglai leh T.Upa F. Lalenghluna, Ramhlun vengthar te an kal ang. Zan Pathian biak inkhawmah fanau enkawl chungchang thuchah Pu John Lalhruiatluang'n a sawi bawk.
 - ♦ **MSSU Inkaihhraina Bung 8:3(c) tih chian thu:** Upa H Lalbiaktluanga, Secretary, Ramhlun Bial Sunday School Committee-in MSSU Inkaihhraina Bung 8:3(c), "Kohhran danga pem leh Hostel-a awmte chuan an awmna hmasaa an kai tawh chu an chhawm thei ang," tih hrilhfiagna a rawn zawh chu hetiang hian a hrilhfiagna siamin Kristian Tlangau-ah leh Synod Newsletter-ah chhuah nise kan ti.
 1. Sunday School kaikim tih hi **MSSU zawmtu Kohhran Sunday School-a kai kim** tihna a ni.
 2. Hostel-a awmte hian pem ang bawkin an awmna hmasa(Pem?Hostel-a luh hmaa an awmna Kohhran)an kai tawh chu Kohhran Sunday School Secretary hriatpuima lehkha lain an chhawm thei a, an Kohhrana an kir leh hunah pawh Hostel-a a awm chungang a lawina Kohhran Sunday School Secretary hriatpuina lehkha a la tur a ni.
 3. MSSU zawm lova Hostel-in Sunday School an siam chu hei hian a huam lovang.

- ❑ **Music**
June 18-19, 2015-ah Phunchawng Kohhran-ah Khuang vuak Training neih a ni dawn a, hemi neihpui tur hian Pu Lalromawia, Senior Music Instructor a kal ang.
- ❑ **Synod Revival**
Jun 9-14, 2015 chung khan Synod Camping Centre-ah a mamawh apiangte tan camping buatsaih leh a ni a, Speaker-ah Pu Zaihmingthanga, Gospel Thunder Team niin, Camp a lut zawng zawng hi mi 110, Mipa-103, Hmeichhia-17 an ni. Kohhran pawl dang atanga rawn lut te pawh an awm a ni. He Camp-ah hian Chhinga Veng Kohhran Pavalai Pawl te an duty a ni.
- ❑ **Social Front**
Central YMA-in ruihhlo avanga harsatna tawh an man Councelling pe tura Synod Social Front an ngen angin Jacob Vanlaldinsaka, Social Front Outreach Worker chu Councelling pe thin turin Social Front chuan a tifel a, June thla tir atang khan Councelling hi neih tawh a ni.
- ❑ **Campus Ministry**
June 19, 2015 hian Health Worker Training School, Kulikawn-ah hun an hmang ang a, June 22, 2015-ah Spring Field Scool leh June 23, 2015-ah Love Academy leh LR Higher Secondary School-ah te hun an hmang ang.
- ❑ **Hruaina Eng FM Radio & TV Programme**
 - ♦ **JUNE 19, 2015 (FM ZOAWI AIZAWL @ 7:30 P.M.)**
Solo : Hlim hlimi - Ka fak fo ang che, **Zaipawl** : East Delhi Mizo inkhawm Zaipawl - Ebenezer, **Thuchah** : Lallungmuana - Lehkha zir dan tha, **Solo** : Henry Varte - Khawvel hi bo mahse, **Zaipawl** : Mizoram Synod Choir - Lalthutthleng kiangah, **Solo** : H.Lalrohlui - Ka lawm e Lalpa
 - ♦ **JUNE 19, 2015 (FM LUNGLEI @ 7:30 P.M.)**
Solo : Hlimhlimi - Ka fak fo ang che, **Zaipawl** : East Delhi Mizo inkhawm Zaipawl - Ebenezer, **Thuchah** : Lallungmuana - Lehkha zir dan tha, **Solo** : Henry Varte - Khawvel hi bo mahse, **Zaipawl** : Mizoram Synod Choir - Lalthutthleng kiangah, **Solo** : H.Lalrohlui - Ka lawm e Lalpa
 - ♦ **JUNE 21, 2015 (Tv Programme) @ 3:00 p.m.)** :
Playback : Pavalai Pawl Meet 2015, **Sawihona** : Bial Then Chungchang
- ❑ **Susamachar Prasaran Programme**
 - ♦ **JUNE 21, 2015 (Pathianni) 5:00 pm. Hindi Gospel Programme (Susamachar Prasaran)** :
Group/Choir/Solo : Central PYF Choir - Krus Par, Group/Choir/Solo : Champhai Vengthlang Pastor Bial - Hamara Kal, **Sermon** : Lalramzauva - Apne Margong Ka Dhyana karo, Group/Choir/Solo : Chhinga Veng - Isu Bula Raha Hai, Group/Choir/Solo : Himali Kohhran Zaipawl - Isu Mash tere Jeisa Koi Nahi
- ❑ **Moderator Programme**
Synod Moderator Rev.Lalrinmawia chuan tunkar tawpawh hetiang hian hun a hmang ang :
 - ♦ June 19, 2015 (Zirtawpni) Barak Presbytery hawn, Silchar
 - ♦ June 21, 2015 (Pathianni) Chawhma - Tuikual South Kohhran
 - ♦ June 21, 2015 (Pathianni) Chawhnu - Tuikual North Kohhran
 - ♦ June 21, 2015 (Pathianni) Zan - Tuikual Kohhran

HRIATTIRNA - KOHHRAN HMATHLIR CHUNGCHANGA INRAWN KHAWMNA

Kum 2014 synod Inkhawmpuiin Kohhran Hmathlirchungchang inrawn khawmna neih a rawt chu SEC bawhzui turin a ti a, SEC chuan ruahmanna siama a tul anga lo bawhzui turin OM a ruat leh a. OM chuan a hnuai mi ang hian ruahmanna a siama, tel tura tih zingah sawmna lehkha hmu lo kan awm pawhin hei hi sawmnaa ngaia lo tel tura beisei an ni.

- A hun : Ni 30.6.2015(Thawhlehi) 10:00a.m - 4:00p.m
- A hmun : 1. Mission Veng Kohhran Biak In, Aizawl District tan.
2. Champhai Vengthlang, Champhai District tan.
3. Serchhip Kawnpui, Serchhip District tan.
4. Lunglei Chanmari, Chhim Area tan.
5. Kolasib Diakkawn, Kolasib District tan.
6. Mamit, Mamit District tan.
- Tel turte: 1. Synod Executive committee member zawng zawng.
2. Pastor, Pro. Pastor leh Minister zawng zawng.
3. Presbytery Moderator leh Secretary te.
4. Bial Inkhawmpui Chairman leh Secretary te.
5. Kohhran tin aiawh pakhat zel.
6. Athlengtu Kohhran Committee member zawng zawng.

Secretary
Mizoram Presbyterian Kohhran Synod

MUSIC ADMISSION

Synod Music School hnuai July - December, 2015 chung hian Keyboard zir duhte tan admission hawn a ni leh ta a. Dil duhte tan Synod Office, Music Department-ah Dilna Form lakchhuah theih a ni. Dilna form-ah hian mahni awmna Kohhran lehkha thil tel tur a ni.

- ⓐ **Dil theih hun chung** : June 23, 2015 (Thawhlehi) thleng.
- ⓐ June 24, 2014-ah seat chang turte hming tar chhuah a ni ang.
- ⓐ June 24-26, 2015 ral hmain admission tih fel vek tur a ni ang.
- ⓐ July 1, 2015 (Nilaini) atangin Class tan a ni ang.
- ⓐ Hriat tur tul dang chu Application Form-ah tarlan a ni.

REV. P.C. PACHHUNGA
Executive Secretary i/c Music